



**Tertia Seraphica Vinea, Sive Tertius Ordo De Poenitentia
à S.P.N. Francisco institutus**

Pauck, Engelbert

Coloniae, 1720

Num. 37. Exhortatio pro receptione ad Habitum tertii Ordinis S. Francisci,
desumpta ex Sermone vigesimo septimo Rosarii, Venerabilis Servi Dei
Bernardini de Bustis, qui sub Annum 1500. floruit.

[urn:nbn:de:hbz:466:1-64103](https://nbn-resolving.de/urn:nbn:de:hbz:466:1-64103)

Decreto dato non dubitant amplius id praeticare; quantumvis aliqui contendant, nullum novum Jus Capucinis ex eo tribui, sed solùm permitti; ut utantur & maneant in Jure suo antiquo; adeoque si ante hoc Decretum jus nullum habuerint; nec modo habent. Interim nos gaudemus, & favemus, ut suis privilegiis utantur, quando omnes intactos in suis Juribus, titulis, & prærogativis intendimus venerari.

CAPUT XIV.

Exhortatio pro Receptione Habitū Tertiī Ordinis S. FRANCISCI de sumpta ex Sermone 27. Rosarii Ven. Servi Dei Bernardini de Bustis, qui sub annum 1500. florebat.

XXXVII. **C**onsilium vobis trado de assumptione statū pœnitentialis; ipse enim D. JESUS (cujus vestigia imitari debemus) opera pœnitentiæ fecit, & austerioritatis. *Matt. 4.* quamvis pœnitentiâ non egebatur. Quod quidem egit, ut nos ad pœnitentiā animaret. Ideo si non vultis totaliter mundo renunciate per Religionis strictæ ingressum, juxta consilium Christi docentis *Matt. 19.* *Si vis perfectus esse, vade, vende omnia, quæ habes, & da pauperibus, & sequere me.* Saltem tertium Ordinem B. FRANCISCI suscipe, si legitimo impedimento non esset impeditum. De Regula enim illa dici potest illud *ad Gal. 6.* *Quicunque hanc Regulam secuti fuerint, pax super illos, & misericordia, & super Israël Dei.* Inter alias enim figuræ & oracula Religio S. FRANCISCI fuit figurata *Gen. 40.* ubi Joseph Patriarcha vidit vitem cum tribus propaginibus florere; hæc enim vitis significavit B. FRANCISCUM, qui fuit similis Christo, ita ut de eodem dici

Vinea Seraphica.

possit illud; quod ait Joannes *Apoc. 1.* *Vidi similem filio hominis.* Quod probat Mag. Barthol. *Pisanus in lib. Conform. S. FRANCISCI* cum Christo, ipse autem D. JESUS de se ipso ait *Joan. 15.* *Ego sum vitis vera.* Similiter B. FRANCISCUS dicere poterit illud *Eccl. 24.* *Ego quasi vitis fructificavi suavitatem odoris.* Et Flores mei fructus honoris & honestatis. Hæc enim vitis (*S. Franciscus*) emisit tres propagines, id est, tres Ordines, à quibus multi flores & fructus suavissimi emanarunt. *De primo enim Ordine* emanavit post ipsum S. Patrem tanquam flos amoenissimus, & fructus celeberrimus S. Antonius de Padua & S. Ludovicus Filius primogenitus Regis Siciliae, trium Regnum ex Jure haeres; sed relictis omnibus tractus odore vineæ Franciscanæ factus est pro Domino pauper Frater minor. Item S. Bonaventura S. R. E. Cardinalis de Balneo Regio. Episcopus Albanensis. S. Bernardinus de Senis. Et quinque SS. Martyres apud Marochium passi cum aliis quam plurimis Martyribus. De quorum Martyrio tractat Mag. Barthol. *Pisanus fructu 5. Conf. 8. p. 2.* De aliis Ss. Tribus miraculorum fructu, vitæque gloriæ clarissimis longum nimis foret in parvo compendio recitare.

De secundò etiam Ordine produxit plures flores, & fructus. scilicet: S. Claram de Assisio, cum B. Hortulana matre, & B. Agneta sorore sua. Item S. Agnetem filiam Regis Poloniae, quæ erat desponsata Friderico II, Imperatori, sed spredo Sponso, regnique deliciis intravit Ordinem S. Claræ, multisque claruit miraculis. Item produxit S. Salomæam de domo Illustrissima Regis Poloniae. S. Helenam de Padua. B. Claram de Viterbio, & S. Catharinam de Bononia, cui persæpe apparebant illi Sancti, de quibus Officium recitabat, cujus corpus in hodiernum usque diem adhuc integrum, & palpabile

G.

bile monstratur : si autem quis peccato lethali fœdatus illud visitet ? eidem sancta Catharina adhuc post mortem quasi viva faciem turbulentam ostendit ; si vero in gratia, & amicitia Dei fueris : faciem tibi jucundissimam exhibebit. De aliis Ordinis hujus Sanctis, & propaginis secundæ fructibus plura scribere, angustia libelli non patitur.

De tertio etiam Ordine non pauci Flores propullulârunt ; scilicet : S. Ludovicus Rex Franciæ. S. Elzearius Comes Arriani, qui cum S. Delphina conjugé sua perpetuam in matrimonio virginitatem servavit. S. Ivo Juris utriusque Doctor, summae contemplationis vir, cuius caput (cum quondam ad aram ficeret) sub elevatione S. Hostiæ igneus globus visus est ambire. B. Luchesius [teu Lucius] Confessor Ordinem Tertium primâ Sanctitatis notâ illustravit. Item præter S. Nicolatum de Senis, B. Jacobum de Laud Presbyterum, miraculis clarum. B. Petrum Romanum, qui sub Sultano fuit martyrio affectus. S. Bonosum de Vult. B. Petrum de Coll. B. Alexandrum de Perus. B. Leonem Archi-Episcopum Mediolan. B. Gualterium Episcopum Trivisi. B. Richardum Episcopum Fossum-Broni. B. Alexandrum Ss. Theol. Magistrum. B. Carolum, B. Laudonem de Monte Feltro. B. Joannem de Urbin. B. Joannem de Ravenna, B. Forellum de Pupio. B. Bartholom de S. Geminiano. B. Petrum Peñecenacum de Senis. Et B. Robertum Dominum Arimini, B. Tomasutius de Fulgin. Prophetâ & miraculis clarissimus surrexit. Similiter, quoad mulieres hæc propago produxit S. Elisabeth filianu Regis Hungariae, uxorem Landgravii Hassiae & Thuringiae. Item S. Rosam de Viterb. S. Margaritam de Corton. S. Bonadonnam de Podio, uxorem S. Luchesi. B. Claram de Monte Falco, in cuius corde inventus est Crucifixus cum om-

nibus Mysteriis Passionis, & tres parvi globuli in ejus pectore reperti sunt, quorum unus tantum ponderat, quantum duo, & quantum omnes tres simul, nec plus pondent omnes tres simul, quantum unus solus, per quod significatur, ipsam frequentem habuisse memoriam Passionis Christi, & Mysterii Ss. Trinitatis, quæ omnia ego propriis oculis cum corpore ejus incorrupto, pulcherrimo, & candido Româ redux vidi anno 1717. Item B. Elisabeth Imperatricem Romanorum, Uxorem Caroli IV. Regis Boëmorum & Imperatoris, miraculis claram. B. Blancam Reginam Franciæ, Matrem S. Ludovici Regis Francorum, quæ signis & miraculis itidem clariuit. B. Mejam de Sen. B. Paschalinam de Fulgin. quæ duodecim annis quotidie Dominicum Corpus sumpsit, nil aliud manducans; sed illo cibo cælesti refecta, orationi & contemplationi jugiter vacabat. B. Beatrix de Ruscon. Comitissa, & illa Regina Hungariae, quæ construi fecit Cœnobium Campi Regis in Austria & quædam Imperatrix Constantinopolitana cum una Regina Catalauniae, Rex Jacobus, Dux Burgund. B. Bartholomæus de Vignate, cuius Pro-Avi fuerunt Domini civitatis Laudensis cum aliis innumerabilibus Habitum Tertiæ Ordinis induerunt, & ut sancti honoris fructus floruerunt.

Est autem sciendum secundum *Mag. Bar. thol. Pisanum L. 1. Conform. 5.* quod S. FRANCISCUS non statim (ut mundo renuntiavit) prædictos Ordines instituerit; nam (ut dicit Legenda 3. *Sociorum.*) primò vilem Habitum Eremiticum, non alicujus Religiosi, sed pœnitentiale duobus circiter annis portavit; posteaque Habitum, quem suis Fratribus dedit, assumpsit, sique anno secundo à conversione sua Ordinem Fratrum Minorum instituit, scilicet anno M.CC. VII. XVI. Aprilis. Ordinem. S. Claræ anno sex-

VINEA SERAPHICA.

to à sua Conversione. Ordinem Tertium
verò anno decimo quarto à sua Conver-
sione.

Fuit autem S. FRANCISCUS à Deo di-
rectus in mundum , ad instituendum hos
tres Ordines (*ut ait S. Bonav. in prol. ma-
joris Legende*) præfiguratus in Angelo *Apoc.*
6. & 7. ubi ait . quòd fuit à Deo missus An-
gelus, id est , Angelicus vir FRANCISCUS,
habens signum Dei vivi , id est , Stigmata
Domini JESU ; ipsèque D. JESUS revela-
vit S. Birgittæ , S. Joannem verba dictæ
prophetiae de nullo alio, quam de S. FRAN-
CISCO intellexisse , quod ipse S. Bonav.
legens Parisis , sic verum esse publicè affir-
mavit; ille etiam est , qui reseravit & ape-
tuit sigillum Pœnitentialis & Passionalis Cru-
cis, tempore Friderici II. Imperatoris. Anno
1206. quando [ut prædictum fuerat *Apoc.*
6. factus est terra motus magnus] scilicet per-
secutionis Ecclesiæ (*& Sol. factus est niger.*
Id est , Dominus Papa , qui tempore hujus
Imperatoris ob persecutionem fugit, nec in-
veniebatur, tandem tamen repertus est Vene-
tiis in Hospitali. *Et Luna facta est sanguinis.*)
Id est , Ecclesia designata per Lunam, facta est
sanguinolenta , dum multi Clerici Friderico
non adhærentes occisi sunt. (*Stelle quoque de
celo ceciderunt.*] Quoniam multi Prælati per
stellas designati ceciderunt de celo militantis
Ecclesiæ per adhæsionem ad Fridericum,
tempore Friderici enim Romana Ecclesia
valde vexabatur per Saracenos ab ipso Impe-
ratore ad partes Fidelium deductos ; ita ut
pauci auderent Papam , vel Romanam Ec-
clesiam nominare , nec Christum, vel Apo-
stolos sequi ; sed vita Christi erat in contem-
ptum , propter despectum paupertatis , &
per nimium appetitum divitiarum , & su-
perbiae ambitionem. Tunc autem, uti testa-
tur *S. Joannes Apoc. 7. ab Ortu Solis* (id est
de civitate Assisi ad Orientem positâ) *ascen-*

^{fr}
dit Angelus (id est, FRANCISCUS puri-
tate & sanctitate Angelis par, directus à Do-
mino) *cum signo Dei vivi*, ad renovandam
perfectionis semitam , prædicandam pœni-
tentiam jam exoletam , & imprimendam
memoriam Passionis Christi, figuratus deinde
per Angelum *Ezech. 9.* cui præcepit Deus,
ut signaret Tau super frontem virorum ge-
mentium , & dolentium , ut acceptâ cruce
pœnitentiæ non timerent Diabolum , aut per-
secutionem Anti-Christi venturi. Ideoque
Christus sua Stigmata dedit B. FRANCIS-
CO, tanquam vestimenta Camerario suo di-
lectissimo, tanquam insignia Nuntio suo fide-
lissimo , tanquam Bullam Præconi suo ma-
ximo , tanquam arma militi strenuissimo ,
tanquam vexillum valenti suo Capitaneo , ut
omnes eum securè sequerentur per viam Pœ-
nitentiæ. *S. Bonav. p. 4. Legend. majoris ait :*
quòd post Religionis approbationem ab *In-
nocentio III.* factam cœperit S. FRANCIS-
CUS tractare cum sociis suis : utrum inter
homines conversari deberet, an ad loca soli-
taria se conferre ? requisito autem per assi-
duæ orationis instantiam , super hoc divi-
næ voluntatis beneplacito, intellexit vir Dei,
supernæ veritatis illuminatus oraculo, se à
Domino missum , ut animas lucrificaret.
Unde in quodam tuguriolo prope Assisium
se recollegit , ut pro loco & tempore ad
populum dicere posset. Sed cùm illo tem-
pore vir Dei assidue non prædicaret, si-
cuti postea fecit , quia magis orationi & con-
templationi , quam prædicationi se dabat,
raptus est in agoniam dubitationis , an po-
tius orationi quam prædicationi vacandum ?
in oratione enim videbatur ipsi lucrum , &
cumulatio gratiarum , in prædicatione verò
distributio donorum cælitus acceptorum. In
oratione est purificatio interiorum affectuum,
Unio ad unum , verum , summum bonum ;
in prædicatione verò distractio spiritualium

G 2

affe-

affectuum circa externa , & relaxatio disciplinæ. In Oratione Deum alloquimur, & ipse nos , & quasi angelicam vitam agentes inter Angelos conversamur ; in prædicacione verò multis oportet uti condescensionibus ad homines , inter eos vivendo humana videre , cogitare , dicere , & audire. Pro alia autem parte prædicacionis ponderat argumentum apud Deum , quod D. N. J. C. de sinu æterni Patris descendens verbum salutis hominis loqui , & prædicare voluerit , cuius exemplar intermissa orationis quiere sequendum est. Cum igitur humillimus esset S. FRANCISCUS, non erubesceret à minoribus parva querere , qui magna didicerat à Magistro supremo. Unde F. Massæum socium suum misit ad F. Silvestrum in monte Subatio [ad carceres dicto morantem , tantæque sanctitatis virum , ut , quæ in oratione peteret , à Deo obtineret , cum quo loquebatur , ut amicus cum amico. Ut scilicet Deum enixè pro se rogaret , quatenus indicaret , utrum sibi placeret , an FRANCISCO prædicandum , an verò orationi instantum foret ? Quem in finem etiam ad Virginem Claram misit , ut ipsa etiam cum Sororibus suis divinum beneplacitum desuper exquireret. Confestim ergo F. Silvester cum F. Massæo ad orationem perrexit , cui in extasi revelavit Dominus dicens : Scias , quod Franciscum non vocaverim propter se solum , sed ut fructum facheret animarum , & multos per eum lucraret. Idem etiam respondit B. Clara dicens : se accepisse à Domino , suum beneplacitum esse , si ad prædicandum exiret. Quo percepto Domini Mandato succinxit se ad prædicandum pœnitentiam tanto cum fervore , & fructu ; ut compulsus fuerit divinâ inspiratione instituere tertium Ordinem de Pœnitentia. Quare de illo ait S. Bonaventura p. 4. *Legend. major.* Factus igitur Evangelicus Præco civitates

circuibat & castra , non in doctis humanæ sapientiæ verbis , sed in virtute spiritus annuntians regnum Dei , Domino dirigente loquentem revelationibus præviis , & sermonem signis & miraculis confirmante ; erant enim ejus eloquia virtute Spiritus S. plena , & medullas cordis penetrantia , ita ut in vehementem stuporem audientes converterent , & obstinatorum mentes efficaciâ virtuosâ mollirent. Unde prædicacionis ejus fervore succensi quamplurimi utriusque sexus , in conjugali pudicitia Domino famulantes , secundum formam à viro Dei præscriptam novis pœnitentiae legibus se vinciebant , & B. FRANCISCUS tanto zelo , & impetu executus est mandatum Domini , ut non attenderet vias & semitas , sed factâ super eum manu Domini , novâ indutus virtute ex alto , quasi fulgur spiritus pergebat. *Ut legitur in Legenda.* Sicque currendo & volando pervenit ad castrum quoddam nomine Canarium , Affilio distans 4. milliaribus , quo in castro tanto cum fervore & efficacia prædicavit , ut omnes tam viri , quam mulieres concluserint , relicto castro S. Virum sequi , quod S. Pater ipsis dissuasit , dicens : se ordinaturum pro eorum salute , quid facere deberent. Et ex eo tempore cogitavit instituere Tertium Ordinem de Pœnitentia. Hinc S. Bonav. in Legenda S. Francisci ait : Sicut in cælum tendentibus constat pœnitentiae viam omnibus esse communem ; ita & hic Status , & Clericos , & Laios , & Virgines , & Conjuges , in utoque sexu admittens , quanti sit apud Deum meriti ? ex pluribus patratis miraculis innotescit. In qua Regula continentur XII. Perfectiones de sacro fonte Evangelii , & veteri Testamento collectæ ; quæ sunt quasi XII. Portæ cælestis Jerusalēm. *Apoc. ultimo.* Quas recentet Bern. à Bust. sed brevitatis causâ omitto , solùmque allego maximam discretionem

VINEA SERAPHICA.

tionem in hac Regula contentam, videlicet:

Quia in omnibus præceptis potest dispensare Visitator ex causa rationabili; omnis enim pœnitentia debet esse discreta, & discrecio mater est virtutum C. de off. cast. & pref. 1. q. 5. Virtus autem indiscreta pro viatio reputatur; quia Deus non exigit ab hominibus, nisi id, quod facere possunt, ideoque nimia austeritas in vigiliis, & jejuniis reprehenditur. C. non medicocriter de Cons. Dist. 5. Sicut ergo nimis negligens Deo exosus est, ita nimis indiscretè austerus ipsi non placet, quia omnia extrema sunt vitiola, ut dicitur II. Ethic. Medium autem tenuere Beati, Sanctique omnes. Ideoque Poëta 2do Metamorph. ait: Inter utrumque tene, medio tutissimus ibis. Et quæ major posset esse conscientiæ quies, & securitas? cum Nicolaus IV. hanc Regulam confirmans expresè statuat: Nullum peccare mortaliter transgrediendo aliquod præceptum ex his, quæ in Regula continentur. Neque voventes hanc Regulam intendunt se in professione aliter obligare, quam secundum obligationem Præceptorum Regulæ, & voluntatem Pontificis Regulam approbantis. Hæc ergo Regula est suave jugum, & leve onus, de quo Christus Matt. 11. Tollite jugum meum super vos, & invenietis requiem animabus vestris. Hæc est sancta Regula, quæ Observatores suos coronat in cœlis, adeoque illam profitentibus bene promittitur vita æterna, dum recipiens eos ad professionem cuilibet dicit: Si hæc servaveris, promitto tibi vitam æternam. Ipsa est seps ad divina Mandata servanda, & renovatio Sacramenti Baptismatis, in quo Christiani omnes renuntiaverunt diabolo, ac pompejus. Hæc est Regula dignificata propter Bullificationem; nam ad ostendendam Excellentiam hujus Regulæ D. JESUS insignivit institutorem sigillo suæ Passionis; imprimendo eidem biennio ante mortem in

monte Alvernæ 5. sacra sua Stigmata. Ut constat ex Legend. Ord. & ex S. Bonav. in Lection. II. Nocturni pro Feste Ss. Stigm. Sicut apposito sigilli authenticæ dat fidem veritati. C. scripta vero. Author. de fide instru. Ita Dei Filius non sigillo cereo, vel plumbeo, aut aureo; sed sigillo Dei vivi, & 5. Vulneribus sub specie Seraphim B. Patri impressis voluit hanc Regulam esse sigillatam, & plumbatam. Hucusque Venerabilis Servus Dei Bernardinus de Bustis.

C A P U T XV.

De Morte, & Sepultura Seraphici P.
FRANCISCI.

XXXVIII. S. FRANCISCUS [dictus de Assisi, quia Assisi natus anno 1185. in stabulo bovem inter & asinum, secundum Angeli sub specie Mendici apparentis vaticinium] quod stabulum jam in Sacellum Piorum fidelium operâ fabricatum excrevit; ut & domus paterna Seraphici Patris; in qua renitente matre à proprio parente carceri datus fuit, ante quam Basilicam sculpti sunt sequentes versus:

*Sacra Dei surgunt FRANCISCI testa parentum,
Carcer ubi est missus, vincla paterna manent.*

Ecclesiæ hujus cura demandata est PP. Franciscanis de Observantia. S. FRANCIS-CUS à Mundo conversus habitum pœnitentialem induit 1206. primæ suæ Regulæ confirmationem accepit à Ss. D. Innocentio III. anno 1210. secundæ suæ Regulæ pro Fratribus conscriptæ, & ab ipso Domino nostro JESU S. Patri dictatæ, per Diploma Apostolicum approbationem obtinuit ab Honorio III. Pontificatus sui anno VIII. Capitula Generalia servavit IV. Primum Assisi à CC. La-

G 3 tera-